

"I suoni delle Dolomiti" a la XV edizion

Sacotenc conzerc enche chest an te Fascia con artisć de nonzech
e ruarà enche Fiorella Mannoia

Musega - La é prest vertia la sajón da d'istà con duc si apuntamenc per endeleter i ghesć e enche chi dal post. Na manifestazion unica te sia sort, l'é de segur "I Suoni delle Dolomiti" ruèda a sia XV edizion. Se trata de n festival de musega sa mont, che met adum museganc da dut l mond e la crepes più beles de la Èlpes, per leèr la gran pascion per la musega e i monc te desvalives conzerc. La manifestazion la é endrezèda da Trentino Spa en colaborazion con l'Azienda per l turism de Fascia. Tenc i artisć de nonzech che tolarà pèrt con desvalives conzerc enche te Fascia olache vegnarà sarà nefapuntamenc, duc chenc da la does domesdi: en domenìa ai 5 de messèl sun Malga Boce con Têtes De Bois; en mèrtesc ai 7 de messèl a la Malga Peniola con Márta Sebestyén; en mèrtesc ai 14 de messèl al Refuge Pas de Sen Nicolò con Delta Saxophone Quartet; en jebia ai 23 de messèl al Refuge Boé con Paolo Fresu, I Virtuosi Italiani; en mercol ai 5 de aost al Refuge Contrin con Rhapsodija Trio; en mercol ai 12 de

aost te Val de Dona Camerloi con Quint'etto; en mercol ai 19 de aost al Refuge Monti Pallidi con Quintorigo - Play Mingus e l'ùltim apuntament l sarà en vender ai 29 de aost al Refuge Fuciade co la ciantarina de nonzech internazionèl Fiorella Mannoia.

Per chel che vèrda i apuntamenc co l'èlba su la Dolomites en sabeda al prum de aost da les 6 da doman sun pra Martin sun Ciampedie sarà l'apuntament con Marco Paolini.

En ocajon de chisc conzerc l'é l met fèr enche na raida coi menacrepes, se scrivan ite dantfora ai numeros 0462.763309 o 339.6938726.



Roberto Vecchioni te Fuciade con "I Suoni delle Dolomiti".